



Obsa:Furtuu Milkaaâ€™innaa fi Gammachuu-Kutaa 1ffaa

Description

Obsa yommuu jedhamuu wanta salphaa namatti fakkaata. Garuu obsii wanta jechaan dubbatamu yookiin sammuu qofaan yaadamu osoo hin taâ€™in wanta gochaan agarsiifamuudha. Obsii jireenya fi qaama ilma namaa guuta kan tuquudha. Bakka obsi hin jirretti jirenyi hin jiru osoo jedhame dhugaa irraa hin fagaatu. Namoonni garmalee yommuu gaddanii fi dhiphatan yoo obsa hin qabaatin of galaafatuun jireenya ofi balleessu. Mee harâ€™aa waaâ€™ee obsaa ilaachise barreefama gabaaba armaan gadii kitaabota adda addaa irraa funaanne waliin haa ilaallu.

Yaadrimee obsa (sabrii)

Jechi Arabiffaa sabr jedhu jechoota â€˜Hidhuu, of quisachuu fi dhaabuuâ€™ jedhan irraa kan dhufeedha. Walumaagalatti obsa ykn sabrii jechuun mataa keenya yeroo gaddaa fi cinqii abdii kutuu fi garmalee gadduu irraa of eegu, arraba keenya komii dhiyeessu (shakwa) irraa tiks, harka keenya fuula rukutuu fi uffata tarsasu irraa eegudha.¹ Obsa jechuun wanta ajajamne hanga galmaan geenyu itti **hidhachuu** yookiin qabachuu fakkeenyaf ibaada Rabbii irratti obsuu. Akkasumas obsa jechuun wanta irraa dhowwamne hojjachuu irraa **of quisachuu**dha.

Gara biraatin obsii hadiisa keessatti â€˜Diyaaâ€™aâ€™ yommuu jedhamu salaanni immoo nuura jedhame jira. Diyaaâ€™a jechuun kan ifa kenu fi madda ifaa kan taâ€™eedha. Fakkeenyaf aduun madda ifaa waan taatef diyaaâ€™a jedhamti. Jiinni immoo ifa mataa ofiiti waan hin qabneef nuura jedhama. Diyaaâ€™an hoâ€™a irraa kan kaâ€™ee nama gubuu dandaâ€™a. nuurri garuu hoâ€™aa waan hin qabneef namatti tola, nama hin gubu. Haaluma Kanaan obsa qabaachuun wanta akka aduutti nama gubuu dandaâ€™uudha. Garuu dhumni isaa ifa fi gara daandii qajeelatti kan nama qajeelchudha. Namtichi yeroo rakkoo fi daraara san yoo obsa qabaate dhumarratti ifa obsa ni argata. Akkuma jedhamu yommuu lafti bariâ€™uuf taatu dukkanni ni jabaata. Haaluma kanaan namatti yommuu rakkoon jabaatu yoo obsa qabaate duuban ifa guddatu isaaf dhufa.²

Aalimni tokko akkana jedhe â€œ Namni tokko obsa qaba kan jedhamu yoo miirri namaa gara wanta gaaritti nama akeeku fi kakaâ€™uumsi amantii, kakaâ€™uumsa fedhii fi hawwii caaledha.â€ Uumaman

namni gara fedhii fi hawwii ofitti daba. Garuu fedhiwwan san kan daangeessu miira waligalaa fi kakaâ€™uumsa amantiiti. Kakaâ€™uumsi amantii fi fedhiin yeroo hundaa wal lollu. Yeroo tokko tokko kakaâ€™uumsa amatiitu mooâ€™ata, yeroo biraam immoo fedhiitu injifata. Dirreen waraana qalbii namtichaati.â€• Fakkeenyaaaf dargaggeessi tokko fedhii ofii guuttachuuf hawwe haa jennu. Yoo hin fuudhin fedhii isaa kana maaltu daangeessu qabaa? Islaamni karaa halaala (hayyamaama) taâ€™ee qofaan akka guutatu ajaja, karaa haraamatin yoo deeme ni adabama. Akkasumas hawaasa fi lubbuu isaa keessatti zinaa (sagaagalummaa) raawwachuu fokkuu akka taâ€™ee ni beeka. Garuu fedhiin isaa kuni guddaa yoo taâ€™ee ifa sabrii ni dhaamsa. Gara biraatin immoo imaanni (amantiin) isaa cimaa yoo taâ€™ee ifa sabrii qabsiisun fedhii ofii mooâ€™ata. Kanaafi obsa qabaachu jechuun kakaâ€™uumsi amantii fi miira namumaa, kakaâ€™uumsa fedhii caalu qaba kan jedhame.

â€œAkkuma qaamaf mataan barbaachisu imaanafis sabriin ni barbaachisa. Yoo mataan nama murame qaamni homaa hin fayyadu. Haaluma Kanaan namni obsa hin qabnes imaana hin qabu. â€œ Ali ibn Abi Xaalib

Sabrun Jamiil (Obsa bareeddu fi namaa maltuu)3

Obsi namaa maltuu jechuun wanta Rabbiin namaa murtesse osoo namootatti komii hin dhiyeessin fudhachuudha. Namni tokko sabrun jamiil qaba jechuuf wantoota sadii guutuu qaba. Isaanis:

1. Nafsee dallansuu, dheekkamsa (bisiciti), iyyuu fi kkf, irraa eegu
2. Arraba namootatti komii dhiyeessu irraa eegu. Fakkeenyaf wanta takka darbeef isatu akkas na godhee, daafaan kuni sababa isaatin, balaan kuni hundi eessaa natti dhufee, Yaa Rabbii kiyya hoo maal si godhee?, fi kkf jechuu irraa arraba tiksuu. (Garuu Rabbitti komii dhiyeessun sabrun jamiil hin faallessu. Fakkenyaf Nabi Yaaqub (AS) ijjolle isaa yommuu dhabuu, â€œ**Ani yaaddo fi gadda kiyyas Rabbuma qofatti himadha.**â€• jedhe (Yuusuf 12:86)
3. Wanta Rabbiin hin jaalanee fi Isa dallansuu raawwachuu irraa qaama ofii tiksu. Fakkeenyaf, qaama ofii fi kan namoota biro rukutu, uffata ofii tarsasu, dubartiin yeroo dhiirsi ishii duâ€™uu mataa haadachuu, nama duâ€™ee irratti garmalee booâ€™u fi faarsu, laphee ofii rukutu fi kkf qaaman hojjachuu irraa tiksudha.

Sadarkaalee garagara Obsaa

Obsa fedhii lubbuu fi hawwii qullaa ittisuu irratti hundaaâ€™e bakka sadiitti quodu dandeeyaa:

1.Kakaâ€™uumsi amantii fedhii fi hawwii qullaa tooâ€™achuu fi mooâ€™achuu keessatti garmalee guddaadha. Namtichi imaanni isaa cimaa taâ€™uu irraa kan kaâ€™ee fedhii of hin hordofuu. Fedhii ofii ni tooâ€™ata, injifannoo horata. Sadarkaan tooâ€™anna kana galma kan gahuu obsa itti fufaa qabaachuni. Namoonni sadarkaa kana gaâ€™an addunyaa fi Aakhiratti injifatoodha. Isaan hanga duuti isaanitti dhuftuu warra â€œ~~Gooftaan keenya Allaahadha.~~â€• Jedhaniidha. (suura Fussilat (41):30). Warrii kunniin warroota yommuu duuti isaanitti dhuftu, malaaykonni akkana jedhaniin â€œ~~Hin sodaatinaa; hin gaddinaas; Jannata waadaa isiniif galameen gammadaa. Nuti jiruu duniyaa~~ keessatti jaalallo keessan turre; Aakhirattis akkasuma. Isiniif ishee (jannata) keessa waan lubbuun teessan feetetu jira. Isiniif ishee keessa waan barbaaddantu jira.â€• Fussilâ€•t 41:30-31â€•

Isaan kunniin warroota Rabbiin waliin jiruu fi karaa Isaa irratti qabsaa™aniidha. Fedhii ofiiti fi sheyxaanaf hin bitaman.

2. Sadarkaan lamaffaa immoo yommuu kakaâ€™uumsi fedhii fi hawwiinguuddaa taâ€™u kakaâ€™umsii amantii ni hirâ€™ata. Namni bade sheyxaana fi humnoota isaatiif harka kenna. Gara fedhanitti isa qajeelchu. Hariiroon inni sheyxaanota waliin qabu carraa lama keessaa tokko taâ€™a. Yookaa hordoftoota fi loltuu sheyxaanota keessa tokko taâ€™a. kuni nama dadhabaab taâ€™a. fakkeenyaf nama karaa Rabbii dhiise karaa hoggantoota jallinnaa hordofuu.

Yookaa immoo sheyxaanni isaaf meeshaa waraana taâ€™a. kuni nama cimaa Rabbitti fincileedha. Warroonni akkanaa hoggantoota jallinnaati. Aangoo fi qabeenyatti fayyadamanii namoota daandii haqaa irraa jallis.

Warroonni lamaan armaan olii kunniin warroota milkiin isaani baddeedha. Aakhiraan dhiisanii addunyaa gabaabdu tana waan filataniif. **Sababni guddaan dhuma gaddisiisatti isaan geessu sabrii waan fixataniifi.** Amaloonni namoota kanniini ni sobu, ni gowwomsuu, hawwii sobaa fi of dinqisifachuu keessa bololiâ€™u, hojii gaarii duubatti harkisuu, buâ€™aa aakhiraan yeroo dheeraaf turtu dhiisanii buâ€™aa duniyaa yoosu dhummattu filatu.

Namoonni milkiin isaani badde gosoota baayâ€™eedha. Gariin isaanii Rabbii fi Ergamaa Isaatti waraana labsuu, wanta Ergamaan Rabbii (SAW) fide balleessuf carraaqu, karaa Rabbii irraa namoota jallisuu, dachii irratti badii fi wantoota fokkuu babalâ€™isu. Gariin immoo buâ€™aa isaanii qofa barbaadu. Gariin isaanii immoo munaafiqoota fuula lamaati. Nama kamittu maxxananii haala kamiyyuu keessatti buâ€™aa argachuu barbaadu. Amantii fi namoonni biro miidhamanii dhiisanii haajaa hin qaban. Gariin isaani immoo zinaaf (sagaagalummaaf) harka kennan. Jirenya isaani guutu fedhii foonii guuttachuuf karaa hundaa hordofuu, haraama taâ€™ee halaala taâ€™ee haajaa hin qaban.

Gariin immoo yommuu akeekachiifaman â€œGarmalee tawbachuu nan barbaada, garuu haramalee natti ulfaate, carraa hin qabu.â€ jedhu. Gariin immoo â€œRabbiin salaata fi sooma keenya hin barbaadu, maal irraa godha, Isa hin fayyadu, hojii keenyan najaa hin baanu; Rabbiin garmalee Rahmata godhaadhaâ€ jechuun of gowwomsu. Adaba Isaa dagatanii rahmataa Isaa irratti hirkatan; Rabbiin akkana jedhee osoo jiru



â€œAni Dhugumatti Anatu araaramaa, rahmataa godhaadha.â€ jechuun gabroota kiyyatti beeksisi. â€œAdabni kiyyas isatu adaba laaleessadhaâ€ (jechuunis itti himi)â€ Suurat al-Hijr 15:49-50

Gariin immoo â€œBadii kana hunda erga raawwadhe booda ibaadan kiyya maal na fayyada?â€ jedhu.
Gariin immoo yommuu duuti isaanitti dhiyaatte ni tawbanna jedhu.

Gariin immoo â€“fedhii fi hawwiin sobaa yaada keenya tooâ€™ate jira. â€“Jedhanii sababefachuuun karaa fedhii ofii ittiin guuttatan barbaadu.

3.Sadarkaan sadaffaa immoo kakaâ€™uumsa amantii fi kakaâ€™uumsa fedhii jiduu waraana hoâ€™aa fi itti fufaatu jira. Yeroo garii kakaâ€™uumsi amantii ni caalaa yookiin ni mooâ€™ata; yeroo garii immoo kakaâ€™uumsi fedhii kakaâ€™uumsa amantii ni caalaa. Adeemsi injifannoo gara lamaanu garagara. Sadarkaan sadaffaan kuni Muslimoota baayâ€™ee hojii badaa fi gaarii walitti makaniif taâ€™a. yeroo garii fedhiin isaani isaan mooâ€™achuun wanta badaa rawwatuu, yeroo garii immoo imaanni isaani jabaa taâ€™uun fedhii ofii mooâ€™atu. Namoonni sadarkaa kana irra jiran yoo siritti carraaqan gara sadarkaa guddaatti ol bahuu dandaâ€™u.

Dhumni namoota jirenya booda (aakhira) haala armaan olii sadaniin kan wal qabatedha. Gariin isaanii Ibiddaa Jahannam osoo hin seeniin gara Jannata qajeello seenu. Gariin immoo ibidda jahannami seenu gonkumaa Jannata hin seenan. Gariin immoo cubbuu isaanitiif ibidda keessatti erga adabamanii booda gara Jannataa seenu.

Firiwwaan (buâ€™aawan) Obsa irraa argaman

Jalqaba irratti Rabbiin obsa akka qabaannu iddo baayâ€™ee Qurâ€™aana keessatti itti nu ajaja. Akka Imaam Ahmad jedhanitti obsii yeroo sagaltama Qurâ€™aana keessatti maqaan dhayame.

1Milkaâ€™innaaf fi badhaadhinggaaf obsa Rabbiin haal dure taasise Namni obsa hin qabne hin milkaâ€™us gammachuu fi badhaadhinnas hin qabu.

â€œYaa warra amantan! Obsaa, obsaan (diinota keessan) injifadhaa. Karaa Rabbii keessattis of hidhaa (sirrittii qabadhaa). Akka milkoftaniif jecha Rabbiin sodaadha.â€ Suura Ali-Imraan:200

2.Warri obsan mindaan isaani dacha dachaa taâ€™a, lakkofsa malee kennamaaf.

â€œWarri obsan mindaan isaanii kan isaaniif kennamu lakkofsa maleedha.â€ Suura Az-Zumar 39:10 kanaafu yommuu rakkoon nu tuqxu yookiin wanta hamtuu irraa obsinuu yookiin ibaada hojjachuu irratti obsinuu, mindaa akkanaa yaadachuu hin qabnu ree? Suleeyman ibn Qaasim akkana jedhe â€œMindaa hojii biro ni beekkama, mindaa sabrii malee. Mindaan sabrii akka bookkaa cimaati.â€

3.Obsii fi imaanni hogantummaa amantii keessatti haal duree jalqabaati. Namni obsaa fi imaana hin qabne haala gaariin namoota karaa sirriitti qajeelchu hin dandaâ€™u. wanta hojjatuu fi jedhutti yaqiina (dhugaan onnee irraa amanuu) yoo hin qabaatin, eenyutu isa hordofaa? Akkuma bishaan qarsaa (dhagaa) irra yaaâ€™e darbuu jechii isaas qalbii namoota irra buâ€™aa tokko malee yaate darbiti. Wanti namoonni isaan jedhaniifi miidhaa isaanitiif yoo obsa hin qabaatin ergaa amantii galmaan hin gahu.

â€œYerooma isaan obsanii Aayatoota (mallatoole, keeyyatoota, ragaa, barnoota..) keenya dhugaan itti amanan, isaan irraa imaamota (hoggantoota) ajaja keenyan namoota qajeelchan taasifne.â€ Suura As-Sajda 32:24

4.Obsii karaa Rabbiin waliin taâ€™uu (maâ€™iyyaa) itti argataniidha Rabbiin warroota amanan, obsanii fi hojii gaarii hojjatan waliin jira, isaan gargaara.

â€œ..**Dhugumatti Rabbiin obsitoota wajjiin jira.**â€ Suura Al-Anfaal 8:46

Abu Ali Ad-Daqaaq akkana jedhe,â€ Warroonni obsan addunyaa fi aakhiratti injifattoota, Rabbiin isaan waliin waan jiruuf.â€

5.Warroonni obsan mindaa sadii badhaafamu. Isaaniis: salawaata(tola, badhaadhinna), rahmataa fi qajeelcha

â€œâ€œwarra obsan gammachiisi. Isaan warra yeroo balaan isaan tuqee â€œDhugumatti nuti kan Rabbiiti, gara Isaatti deebiâ€™oodha (Innaa lillaahi wa innaa ileyh raajiâ€™uun)â€œgedhaniidha.

Isaan warraa salawaata fi rahmanni Gooftaa isaanii irraa taâ€™e isaan irra jiruudha. Warri suni isaanumatu qajeelfamoodha.â€ Suura Al-Baqaraa 2:155-157

Jecha salawaata jedhuu aalimoonni hiika baayâ€™ee itti kennaani jiru. Isaan keessa filatamoon faaruu, tola Rabbiin irraa argachuudha. Dhugumatti namni obsa qabuu badhaadhinnaa fi tola jirenya isaa keessatti argata. Wanti kana hundaa caalee immoo araarama Rabbiin irraa argachuu fi gara daandii haqaatti qajeelfamudha. Salafa tokko yommuu namoonni balaa itti buâ€™eef jajjabeessuuf bira dhaqan akkana jedhe,â€ Maaliif hin obsinee osoo Rabbiin warroota obsaniif miindaa sadii waadaa galee jiruu. Sadan isaanitu addunyaa tanaa fi wanta ishii keessa jiru caalu.â€

6.Obsii karaa gargaarsa Rabbii itti barbaadaniidhaâ€“

â€œ**Obsaa fi salaatan gargaarsa Rabbii barbaada. Dhugumatti isheen warri Rabbiin sodaatan irratti malee ulfaattudha.**â€ Suura Al-Baqaraa 2:45 Kanaafu namni obsa hin qabne gargaarsa hin argatu jechuudha.

7.Obsii fi taqwaan shira diinota irraa nama eega.

â€œ**Yoo toltaun wahii isin tuqe, Isaan gaddisiisa. Yoo hamtuun isiin tuqe immoo ishetti gammadu. Yoo isin obsitanii fi Rabbiin sodaattan mallii (shirri) isaanii homaa isin hin miidhu. Dhugumatti Rabbiin waan isaan dalagan (beekumsa Isaatiin) marsaadha.**â€ Suura Ali-Ä°mraan 3:120

8.Dhumni warroota amananii, hojii gaarii hojjatanii fi obsanii Jannata. Malaaykonni warroota obsan nagaya gaafatu.

â€œ**Isheen jannata qubsumaa kan isaan ishee seenaniidha. Abbootii isaanii, niitiwwan isaanii, ilmaan isaani irraas namni gaarii hojjate (ishee seenaa). Maleeykonnis balbala hundaan isaanitti seenu. â€œWaan obsitaniif nageenyi isin irratti haa jiraatu. Gandi boodaa waa tole!**â€ jedhu. Suura Ar-Raâ€™ad 13:23-24

Gosoota fi firiwwan obsaa hin xumurre. Yoo obsa qabaattan Insha Allah torbaan itti fufna. Hangasi Assalaamu aleykum wr wb.

Kitaabile wabii

1. [Patience and Gratitude- By Imaam Ibn Al-Qayyiim](#) (Barreefamoonni harkii caalu kitaaba kana irraa fudhatame)
2. [Commentary on the Forty Hadith of An-Nawawi](#) jildii 2 fuula 732
3. *Al-Imaanu haqiqatuh, khawaarimuh, nawaaqiduh inda ahli sunnati wal jamaâ€™a.* (Fuula 455, Abdullah ibn AbdulHamid Al-Asari,)

Date Created

September 3, 2016

Author

admin